

Balaji Ke Bhakto Sunlo | By Rajeev Sharma |

Balaji ke bhakton sunlo,
Baba ka gun gaya karo,
Shraddha aur vishwas prem se,
Unki jyot jagaya karo ||

Pawan dev ke laal aur maa,
Anjani sut ka dhyan dharo,
Dukh aur kasht sataye jab jab,
Yaad unhein bas kiya karo,
Sundarkand ka varnan unki,
Mahima roj sunaya karo,
Shraddha aur vishwas prem se,
Unki jyot jagaya karo.....

Din Mangal ka jab bhi aaye,
Baba ka upvaas karo,
Laal langota sindoor chadhakar,
Chalisa ka paath karo,
Desi ghee ke saath choorma,
Unko bhog lagaya karo,
Shraddha aur vishwas prem se,
Unki jyot jagaya karo....

Charan pakad liye Hanumat ke jab,
Ram ji kaise bhagenge,
Ram ki jab anukampa hogi,
Soye bhagya bhi jagenge,
Swami-sevak ke rishte ka,
Kuch toh labh uthaya karo,
Shraddha aur vishwas prem se,
Unki jyot jagaya karo....

Bade dayalu Bala mere,
Log ye saare kehte hai,
Bhare hue bhandaron se wo,
Jholiyan bharte rehte hai,
Jeevan mod likhe to 'Babli',
Bade prem se gaya karo,
Shraddha aur vishwas prem se,
Unki jyot jagaya karo,
Balaji ke bhakton sunlo,
Baba ka gun gaya karo,
Shraddha aur vishwas prem se,
Unki jyot jagaya karo.....

[%e0%a4%95%e0%a5%87-%e0%a4%ad%e0%a4%95%e0%a5%8d%e0%a4%a4%e0%a5%8b%e0%a4%82-%e0%a4%b8%e0%a5%81%e0%a4%a8%e0%a4%b2%e0%a5%8b-by-rajeev-sharma/](#)